

大同二年仲秋上丁

祀孔錄

許汝棻



目次

題辭

攝影

國務院訓令第一四一號（傳令嘉獎原文）

第一章 籌備

第一節 緒言

第二節 丁祭之沿革

第三節 籌備之順序

一、文廟之佈置 二、禮節單之制定 三、執事官之分配 四、服色之指定 五、樂舞生之

訓練 六、禮樂舞器之購置 七、警備之佈置

第四節 演禮概況

第二章 祭日

第一節 鹵簿扈從

第二節 祭典盛況

第三節 來賓觀禮盛況

第四節 胙肉之分配

三三

三三

三二

三一

三一

三〇

三一三〇

二

一

一

第五節 紀念講演大會 三四

第三章 各省祀典 三四

 第一節 吉林省奉祀情形 三五

 第二節 熱河省奉祀情形 三六

 第三節 奉天省奉祀情形 三六

 第四節 黑龍江省奉祀情形 三七

 第五節 興安省奉祀情形 三七

附 錄

新京秋丁祭孔紀念講演大會講演錄 一〇一〇

吉林秋丁祭孔紀念講演大會講演錄 一〇一三

大同二年秋丁祀孔錄

文敎部禮敎司編

第一章 籌備

第一節 緒言

孔子之道、如日月經天、江河行地、樹萬世之師表、亘百代而常新、凡有血氣、咸蒙覆幬、聖學精美、莫與倫比、溯二千餘年、歷史相沿、率循孔道、奉爲至聖、俎豆馨香、累世罔替、國紀民彝、賴以不墜、逮夫、

清代、尊崇之典、益臻隆重、康熙年間、

聖祖仁皇帝、東巡闕里、躬謁殿庭、雍正年間、

世宗憲皇帝、追封王爵、

雍正元年六月、加封孔子先世五代俱爲王爵、木金父公爲肇聖王、祈父公爲裕聖王、防叔公爲詒聖王、伯夏公爲昌聖王、叔梁公爲啓聖王、

鼎新廟貌、

雍正七年二月、詔命通政使監修闕里文廟、

乾隆年間、

高宗純皇帝、御極六十年、親臨釋奠者二十餘次、光緒年間、

德宗景皇帝以孔子至聖、德配天地、萬世師表、詔由中祀升爲大祀、盛典喬皇、崇敬誠切、均爲往代所罕見、聖道昌明、倫彝敦厚、亦以斯時爲最盛、洎乎近世、泰西學說、傳播華夏、淺妄之徒、眩於物質文明、悍然倡言廢孔、以淆觀聽、竊政者流、復藉人心陷溺、不惜摧毀聖道、以求擁戴、於是庭殿鞠爲荆榛、

鼓鐘委於草莽、邪說披猖、法紀蕩佚、中和民衆、驟變兇頑、華族冠裳、胥淪夷狄、自相殘殺、生命塗炭者、已二十餘年、我

執政憫茲蒼生、垂治斯土、知欲挽救人心、舍聖道而莫由、建國伊始、卽以實行王道、修明禮教爲宣言、以尊崇先師、重整祀典爲嚆矢、是以去歲秋丁、今年春祀、特派總理恭代行禮、節文嚴肅、已極其盛、本屆秋丁、復蒙

執政親臨釋奠、崇奉規模、尤爲大備、樂頌於殿、佾舞在庭、皇哉上儀、至矣觀止、本司職司禮典、恭逢斯盛、允宜載諸簿冊、以垂久遠、爰將此次籌備經過、以及祭日盛況、詳爲纂述、俾我臣民、披覽之餘、咸知立國根本、首以維持倫彝、崇尚禮教爲重、羣相興感、潛移默化、則治進大同、共登樂土、庶有豸焉、

第二節 丁祭之沿革

漢高祖十二年十一月過魯、以太牢祀孔子、此祀孔見史傳之始也、是時孔子之祀、尙未出闕里、漢明帝令郡縣學校皆祀周公孔子、方爲孔子祀於庠序之始、蓋上古祀始立教者、古稱先聖先師、或神農、或周公、或顏回、不必定孔子也、隋文帝詔國子寺、每年四仲月上丁釋奠於先聖先師、行鄉飲酒禮、縣學則以春秋仲月釋奠、行鄉飲酒禮、是卽丁祭之濫觴、唐貞觀四年、令群學皆立文廟、丁祭典禮乃得通行於天下、然仍以周公與孔子同祀也、貞觀十一年、房玄齡等議以孔子爲先聖、顏回爲配饗、詔從之、於是孔子方得獨享廟祀、高宗武德二年、詔祭孔子用太牢六佾、恐與大祭祀遇、乃改四仲上丁、爲四仲中丁、

開元二十四年復改去四仲與中丁、而專主春秋二仲與上丁、自此以往、迄無變更、而祀典儀注、則以清代爲最隆、本屆典禮、經本部會同執政府掌禮處詳爲訂定、凡所纂擬、率循 清制、故一切儀式、亦極隆崇、初非臆爲增損、故示新異者可比也、

第三節 籌備之順序

本屆秋丁

執政親臨釋奠、所有應行儀注、特別隆重、本部爲敬謹將事、妥慎籌備起見、先期邀集關係機關、派員來部舉行籌備丁祭大典委員會、議定典儀若干項呈請

執政鑒核、以昭鄭重、上項會議、共開兩次、第一次九月五日舉行、出席者執政府掌禮處大禮官許寶齋、禮官張格、新京特別市市政公署教育科科长馬顯異、首都警察廳警務股股長川谷義一、主任金忠海、文教部許次長、禮教司宗教科科长王興義、社會教育科科长古閑亮、及兩科全體科員、第二次會議九月十一日舉行、出席者同上、先後議決事項多件、下列各事、即係遵照議決案分別進行者也、

一、文廟之佈置 新京文廟、建於清同治十二年、即長春縣文廟是也、廟宇建築雖稍嫌狹隘、殿廡規模則尙稱合度、此次丁祭、本部因地制宜、擬定祀位及供張陳設如下、

甲 祀 位

大成殿內、

至聖先師正位南嚮、

復聖顏子回、

述聖孔子伋、東位西嚮、

宗聖曾子參、

亞聖孟子軻、西位東嚮、兩序

先賢、東、閔子損、冉子雍、端木子賜、仲子由、卜子商、有子若、皆西嚮、西、冉子耕、宰子予、

冉子求、言子偃、顓孫子師、朱子熹、皆東嚮、兩廡

先賢、東、公孫僑、林放、原憲、南宮适、商瞿、漆雕開、司馬耕、梁鱣、冉孺、伯虔、冉季、漆雕徒

父、漆雕哆、公西赤、任不齊、公良孺、公肩定、鄒單、罕父黑、榮旂、左人郢、鄭國、原亢、廉潔、

叔仲會、公西輿如、邽巽、陳亢、琴張、步叔乘、秦非、顏噲、顏何、縣亶、牧皮、樂正克、萬章、

周敦頤、程顥、邵雍、西、蘧瑗、澹臺滅明、宓不齊、公冶長、公哲哀、高柴、樊須、商澤、巫馬施、

顏辛、曹邴、公孫龍、秦商、顏高、壤駟赤、石作蜀、公夏首、后處、奚容蒧、顏祖、句井疆、秦祖、

縣成、公祖句茲、燕伋、樂欬、狄黑、孔忠、公西蒧、顏之僕、施之常、申枏、左邱明、秦冉、公明

儀、公都子、公孫丑、張載、程頤、

先儒、東、公羊高、伏勝、毛亨、孔安國、毛萇、杜子春、鄭康成、諸葛亮、王通、韓愈、胡瑗、韓琦、

楊時、謝良佐、尹焞、胡安國、李侗、呂祖謙、袁燾、黃幹、輔廣、何基、文天祥、王柏、劉因、陳

澥、方孝儒、薛瑄、胡居仁、羅欽順、呂柟、劉宗周、孫奇逢、黃宗羲、張履祥、陸隴其、張伯行、湯

斌、西、穀梁赤、高堂生、董仲舒、劉德、后蒼、許慎、趙岐、范甯、陸贄、范仲淹、歐陽脩、司馬

光、游酢、呂大臨、羅從彥、李綱、張栻、陸九淵、陳淳、眞德秀、蔡沈、魏了翁、趙復、金履祥、陸秀夫、許衡、吳澄、許謙、曹端、陳獻章、蔡清、王守仁、呂坤、黃道周、王夫之、陸世儀、顧炎武、東西嚮、均北上、

崇聖祠內、中

肇聖王木金父、左

裕聖王祈父、右

詒聖王防叔、次左

昌聖王伯夏、次右

啓聖王叔梁紇、皆南嚮

先賢、孔孟皮、顏無繇、孔鯉、東位西嚮、曾點、孟孫激、西位東嚮、

先儒、東廡、周輔成、程珦、蔡元定、西嚮、西廡、張迪、朱松、東嚮、均北上、

崇祀祠聖位圖

昌聖王伯夏公

裕聖王祈父公

肇聖王木金父公

詒聖王防叔公

啓聖王叔梁公

先賢孔孟皮

先賢顏無繇

先賢孔鯉

點

先賢曾

激

先賢孟孫

先儒周輔成

先儒程

先儒蔡元定

何

先儒張

松

先儒朱

崇聖祠

正位五龕均南嚮、統設籩豆案一、上置爵三、登一、鉶二、籩十、豆十、前設香案一、上置鑪一、燭臺二、鑪前置籩一、納帛一、又前設俎一、實羊一、豕一、

東配三位西嚮、統設籩豆案一、上置爵三、籩六、豆六、前香案一、上置鑪一、燭臺二、鑪前置籩一、納帛一、

西配二位東嚮、陳設同上、東廡

先儒三位西嚮、西廡

先儒二位東嚮、陳設與

兩配同、左右門外各統設俎一、東西嚮、各實羊一、豕一、中門外左側設祝案一、上供祝版、凡爵、登、鉶、皆用銅、籩用竹、豆用木、籩用竹、俎用木、帛皆色白、設洗於幄次之外、設鐘鼓各一于大成左右翼門、司樂設樂懸於殿外兩階、鍾鐘一在東、特磬一在西、皆懸以虛囊、東楹鼓一、祝一、麾一、西足鼓一、敔一、東西分列笙四、簫四、笛四、篪四、搏拊二、階下設節二、干戚羽籥各三十六、

文廟正位陳設圖

(崇聖正位陳設同此)



文廟兩序兩廡陳設圖

(此同設陳廡兩序兩祠聖崇)

(爵) (爵) (爵)

豆

籩

菹菁	菹菲	鹽形	栗
菹鹿	醢醢	魚臛	榛
菹芹			芡
醢魚			脯鹿

簠

(帛)

鐙 鑪 鐙

(燭) (香) (燭)

俎

豕	羊
---	---

二、禮節單之制定 本屆丁祭、所有應行禮節、悉照 清制、由本部會同執政府掌禮處妥擬禮節單、呈蒙 執政核准施行、原單如左

甲

執政釋奠於

先師

先期、文教部派員蠲潔

廟廷祭器品物畢具、執事官暨樂舞歌咸備、

先三日、文教部呈請

執政致齋三日、並通行各衙門薦任以上官齋戒、

先二日、文教部恭送祝版於執政府掌禮處、授禮官敬書祝詞、翼日呈請

執政署名後、遣禮官恭送

先師廟殿內安奉祝案、

先一日、文教部次長省牲、眡宰、宰人割牲、取毛血、瘞於廟垣東之坎、

是日午後、文教部召集分獻官以次各執事官演禮、

前夕、文教部次長率屬詣

廟具陳設、執政府大禮官詣

大成殿及兩廡

崇聖祠周舄辨位

其日卯初、新京警備司令、憲兵司令、警察總監、翊衛軍團長、護軍統領、齊集祇候
卯正

執政出宮升車、扈從官隨行、將至

廟、贊引對引官預偕分獻官陪祀官序立門外恭迎
駕至、贊引對引官恭導

執政就幄次少憩、分引官預引分獻官由左右門入、陪祀官隨入、各就位次、東西向立、
文教部總次長奏請行禮、

執政出次就盥洗訖、贊引對引官恭導

執政入大成門中門、司戶升階、進殿中門、北向立、

前引官後扈官止立殿檐下、侍從武官侍衛官及扈從各官止立階下東西隅、均面階、

通贊官贊執事官各執其事、贊引官奏就位（傳贊）、

執政就拜位立、分獻官陪祀官均就位北向、

通贊官贊迎神、司戶啓戶、典樂官贊舉迎神之樂、奏昭平之章（樂章見後、下同此）司麾舉麾、工鼓祝、

樂作（每次樂作視此）、

通贊官贊上香、贊引官奏就上香位及對引官恭導

執政詣

先師案前、對引官至祝案前止立、司香官跪進香、

贊引官奏上香、

執政上柱香三、奏復位、恭導

執政復位、分引官各引分獻官進至配位哲位兩廡先賢先儒位前、上香訖、復位、贊引官奏跪拜興（傳贊）、
執政行三跪九叩禮、分獻官陪祀官均隨行禮、司麾偃麾、工憂故樂止（每次樂止視此）、

通贊官贊奠帛爵、行初獻禮、典樂官贊舉初獻樂、奏宣平之章、樂作、司節舉節、舞羽籥之舞（下同）、
司帛官奉篚、司爵官奉爵、以次進立案左右、俟

贊引官奏初獻、恭導

執政詣

先師位前立、司帛官跪進篚、

執政受篚、拱舉、授左司帛奠於案、司爵官跪進爵、

執政受爵、拱舉、授左司爵奠於塾中、奏復位、

執政復位、分引引分獻官各奠帛爵如式、各復位、

通贊官贊讀祝、司祝官進至祝案前跪、三叩興、奉祝版跪案左、樂暫止、

贊引官奏跪（傳贊）、

執政跪、羣官皆跪、司祝官讀祝（祝文附後）、讀畢興、奉祝版詣

先師位前跪、安篚內、三叩興、退、樂作、

贊引官奏拜、興（傳贊）、

執政率羣官三拜興、樂止、

通贊官贊行亞獻禮、典樂官贊舉亞獻樂、奏秩平之章、樂作、舞作、司爵官奉爵、進立案左右、俟贊引官奏亞獻、恭導

執政詣

先師案前、受爵、拱舉、授司爵奠於左、分獻如初獻、

贊引官奏復位、恭導

執政復位、樂止、

通贊官贊行終獻禮、典樂官贊舉終獻樂、奏叙平之章、樂作、舞作、司爵官奉爵進立案左右、俟贊引官奏終獻、恭導

執政詣

先師案前、受爵、拱舉、授司爵奠於右、分獻如亞獻、

贊引官奏復位、恭導

執政復位、樂止、

通贊官贊賜福胙、司福胙官二人自案奉起、進向

先師位左旁拱舉奉至

執政拜位右跪、接福胙官二人趨跪於左、

大同二年秋丁祀孔錄

贊引官奏跪、

執政跪、奏飲福酒、右司福官進爵、

執政受爵、拱舉、授左接福官、奏受胙、右司胙官進胙、

執政受胙、拱舉、授左接胙官、左右福胙官咸退、

贊引官奏拜興、

執政行三拜禮興、

通贊官贊徹饌、典樂官贊舉徹饌樂、奏懿平之章、樂作、徹畢、樂止、

通贊官贊送神、典樂官贊舉送神樂、奏德平之章、樂作、

贊引官奏、跪、拜、興（傳贊）、

執政率羣官行三跪九拜禮、樂暫止、

通贊官贊奉祝帛香饌送燎、司祝、司帛、司香、司饌、以次詣

先師位前跪、奉祝、奉帛、奉香、奉饌、興、由中門出、恭送燎所、

贊引官奏轉立西向望燎

執政轉立拜位東旁西向望燎、司拜褥官徹拜褥、俟祝帛過、仍布拜褥、

執政復位立、樂作、

通贊官贊禮成、

贊引對引官恭導、

執政仍由大成門中門出、前引官後扈官侍從武官侍衛官引隨如初式、
執政升車啓駕、警蹕扈從如初、
駕至府門、樂作、扈從官恭候
還宮、各退、

乙、祭

崇聖祠禮

同日卯初、承祭官分獻官各執事官齊集、

贊引官引承祭官詣

崇聖祠階下、分獻官隨入、通贊官贊執事官各司其事、贊引官贊就位、承祭官分獻官各就位、通贊官贊
迎神、司戶啓戶、贊引官贊就上香位、引承祭官升階入祠門詣

正位前、贊上香、司香官奉香、承祭官上柱香三、分獻官分詣配位前各上柱香三、贊引官贊復位、承祭
官分獻官均降階復位、贊跪、叩、興、承祭官分獻官行三跪禮興、通贊官贊行初獻禮、贊引官引承祭
官分獻官詣

正位配位前、司帛奉篚、承祭官拱舉、奠於案、司爵奉爵、承祭官拱舉、奠於塾中、分獻官奠帛爵如式、
贊引官引承祭官分獻官復位、通贊官贊讀祝、司祝至祝案前跪、三叩興、奉祝版就案左跪、贊引官贊
跪、承祭官分獻官皆跪、司祝讀祝（祝文附後）、讀畢興、奉祝版詣

正位前跪、安奉篚內、三叩興、退、贊引官贊叩興、承祭官分獻官行三叩禮興、通贊官贊行亞獻禮、承祭

官分獻官各獻爵如初獻、奠爵於左、復位、通贊官贊行終獻禮、承祭官分獻官各獻爵如亞獻、奠爵於右、復位、通贊官贊徹饌、徹畢、贊送神、贊引官贊跪、叩興、承祭官行三跪九叩禮興、通贊官贊送燎、司祝、司帛、司香、司爵、各奉祝、帛、香、饌、以次恭送燎所、承祭官避立西側東向、俟過復位、通贊官贊禮畢、各退、

大成殿祝詞

維大同二年九月二十八日仲秋上丁、執政 御名 致祭於

至聖先師孔子曰、維

師德配

天地、道冠古今、刪述六經、垂憲萬世、茲當仲秋、祇奉舊章、謹以牲帛酒果、致祭配以

復聖顏子

宗聖曾子

述聖子思子

亞聖孟子、尚

饗

崇聖祠祝詞

維大同二年九月二十八日仲秋上丁、新京特別市市長金鑾東致祭於

肇聖王

裕聖王

詒聖王

昌聖王

啓聖王曰、惟

王育聖、爲世作師、功則著於人間、德則垂於後裔、凡聲教之所敷、同其沾溉、溯淵源之有自、奉以馨香、茲當上丁、聿修祀事、以

先賢孔氏

先賢顏氏

先賢曾氏

先賢孔氏

先賢孟孫氏配、尙

嚮

丙、辨位

大成殿門內正中爲

執政拜位、北向、階下甬道左右爲分獻官位、其次爲陪祀官位、東西各五班、重行異等、東位西上、西位東上、均北面、司拜褥官立於

執政拜位之後、左側司祝一人立祝案西、東面、侍禮二人分立東西兩楹之間、司香五人預立於先師位前

左側暨配位哲位左側、司帛十人、司爵十人、司福胙四人、分立於左右門之外、通贊一人立東楹之西、司磨歌工、樂工、分列階上、舞佾列於階下、東西序立、均北面、分引八人序立兩廡階北、東西面、掌燎立爐之隅、兩廡司香、司帛、司爵、各十人、序立於案之南北、

崇聖祠階下正中爲承祭官拜位、其次爲分獻官位、司香、司帛、司爵、各序立於案次、

三、執事官之分配 本屆執事官共一百四十八人、計

大成殿配位分獻官二人、哲位分獻官二人、兩廡分獻官四人、

崇聖祠承祭官一人、分獻官二人、侍禮官二人、監禮官二人、陪祀特任官四人、簡任官八人、

以上各官由文教部開具特簡各官單呈請

執政點派

前引官二人、後扈官二人、贊引對引官二人、侍從武官三人、侍衛官三人、通贊官一人

以上各官由執政府掌禮處開具府官名單呈請

執政點派

大成殿司祝官一人、司香官五人、司帛官十人、司爵官十人、司幅胙官四人、典樂官一人、司拜褥官一人、分引官四人、傳贊官一人、西廡司香官四人、司帛官八人、司爵官八人、分引官四人、司戶官二人、掌燎官一人

崇聖祠司香三人、司帛官六人、司爵官六人、通贊官一人、引贊官三人

以上各官由文教部選派

薦任陪祀官二十四人

以上各官由執政府、參議府、國務院、民、外、財、實、軍、交、法、各部、監察院、立法院、法院、選派各二人、咨送職名於文教部、

祭官及執事人名職務單

大成殿

先師位、主祭

執政、前引官寶熙 許寶蘊、後扈官商衍瀛 陳曾壽、扈從官修濟煦 石丸志都磨 憲原 工藤忠 熙輪

免 潤良、侍禮官鄭孝胥 羅振玉、東配分獻官張景惠、西配分獻官胡嗣瑗、東哲分獻官謝介石、西哲

分獻官張燕卿、東廡先賢分獻官葆康、東廡先儒分獻官徐思允、西廡先賢分獻官王靜修、西廡先儒分

獻官劉恩格、崇聖祠承祭官金璧東、東配分獻官西山政猪、西配分獻官阮振鐸監、監禮官李槃 許汝榮、

通贊官王季烈、贊引官張格、對引官存著、陪祀特任官袁金鎧 增韞 馮涵清 林榮、陪祀簡任官羅福

葆 蔡法平 王大忠 鄭禹 宋之正 品川主計 壽聿彭 魏宗蓮、陪祀薦任官陳曾疇 岳燕璞(以上

二員執政府委派 陳叔達 陳叔适(以上二員國務院委派)張賢才 憲真(以上二員監察院委派) 白銘

璋 謝宗夏(以上二員參議府委派)陳桂森 王連興(以上二員立法院委派) 葉堯公 馬相臬(以上二

員外交部委派)胡靖 胡先春(以上二員實業部委派) 胡宗瀛 徐尙志(以上二員財政部委派)程義明

熊才(以上二員司法部委派)王國香 史鼎(以上二員民政部委派) 金振民 邵先周(以上二員交通部

委派) 侯起堯 張學騫(以上二員軍政部委派) 岩間德也 長野長廣(以上二員文教部委派) 宋德玉

(長春縣長)、傳贊官劉福樑、

先師位司祝官趙德健 司香官王興義 司帛官任祖安 吳鴻恩 司爵官王炎 魏象賢 司福胙官孟棊 馬

顯異 陶心源 華志震 司拜褥官盛格 典樂官許申甫、

東配司香官王維常 司帛官白雲麟 景介 司爵官錢定鈞 彭壽 分引官李仲怡、

西配司香官錢廷枚 司帛官孫祥雲 陳訓旭 司爵官陳憲熙 張志銘 分引官張硯田、
東哲司香官尹晉序 司帛官方象儒 川尻伊九 司爵官丁莘白 修亮功 分引官劉爽、
西哲司香官黃懋謙 司帛官王仁良 薛世忠 司爵官南霽光 福井優 分引官竇迺禮、

司戶官陳曾杰 羅福榮、掌燎官陳曾杰、

東廡先賢司香官董靜仁 司帛官于希渭 堀越英二 司爵官邢定雲 閻克鈞 分引官王國祺、

東廡先儒司香官張天民 司帛官劉遠綏 陳逢新 司爵官傅麟堯 白國華 分引官陳遵經、

西廡先賢司香官解昌翰 司帛官徐文彬 魯玉琢 司爵官孫晉卿 熊山 分引官河瀬松三、

西廡先儒司香官于開誠 司帛官武國權 劉子斌 司爵官李景新 吳兆麟 分引官劉蜀川、

崇聖祠正位司祝官關文瑛 司香官錢炳臣 森田悌三 司爵官高世珍 周子雲 引贊官陳遵經 通贊官

朱海瀾 司幅胙官係恒 劉星海、

東配司香官竇迺禮 司帛官山本力 方象儒 司爵官柳秀生 錢廷枚 分引官劉蜀川、

西配司香官劉盛泉 司帛官于開誠 徐文彬 司爵官胡輯武 陳憲熙 分引官薛昌智、

大成殿瘞毛血官李世德

崇聖殿瘞毛血官吳萬順、

司饌官劉蜀川、

樂工滿洲國樂社學生十六名、

歌工第二小學校學生八名、

舞工第二小學校學生四十名、

提調官古閑亮 陳曾杰 瀨川晉、

準備委員黃蔭芳 鄭秉坤 王正平 徐文彬 金子孟太郎 濱田時政 北川正雄 董鐵質、

招待委員一條林治 陳希容 葉戎 許德昌 日田次郎 前田莊三 土屋鉞夫 胡靖凡 許樹有 陳

邦翰 岡田七雄 許德疆 池田清 泉澤延好 長濱義純 熊季襄 江幡寬夫 許德金 久保田完三

國澤德滿 陳覺仁 龜井俊章 胡劍青 楊宗蕃 趙國仁 劉富樑 許家儒 許寶菡 陳懋侗 恩

楛關柏年 恒德甫 王守兌 于繼勳、

四、服色之指定 我國建立伊始、一切服制尙未規定、此次祀孔用跪拜禮、所有執事官祭服、自應指定、

以期整肅、而昭虔誠、故籌備丁祭大典委員會特於期先擬定服色一種、呈請

執政核准實行如下、

青馬褂、藍袍、執事官均依此服色、

緞靴、承祭官、侍禮官、贊引對引官、前引官、後扈官、均須著靴、

五、樂舞工之訓練 自古安上治民莫善於禮、移風易俗莫善於樂、禮樂兼備、政教乃行、我滿洲國建立伊

始、卽以修明禮樂爲先、是以本部於重整祀典之外、尤注意於恢復雅樂、本年四月曾籌款四千餘元、設

燕樂傳習所於新京文廟、招收學生三十名授以宮殿燕饗之樂、三月畢業、略有所成、旋以秋丁在邇、樂

歌舞工不可不備、乃由私人募集捐款、將該所改組爲滿洲國樂社、繼續授以樂頌之章、並就市立第二小

學選拔學生四十名、授以羽籥之舞、訓練兩月、成績斐然、本屆秋丁、卽以充作樂歌舞工、鏗鏘鼓舞、

咸能中節其樂章及六佾、配置圖附錄如次

樂章

迎神昭平之章

大哉孔子、先覺先知、與天地參、萬世之師、祥徵麟紱、韻答金絲、日月既揭、乾坤清夷、

初獻宣平之章

予懷明德、玉振金聲、生民未有、展也大成、俎豆千古、春秋上丁、清酒既載、其香始升、

亞獻秩平之章

式禮莫愆、升堂再獻、饗協鼓鏞、誠孚疊獻、肅肅雍雍、譽髦斯彥、禮陶樂淑、相觀而善、

終獻叙平之章

自古在昔、先民有作、皮弁祭菜、於論思樂、惟天鏞民、惟聖時若、彝倫攸敘、至今木鐸、

徹饌懿平之章

先師有言、祭則受福、四海晏宮、疇敢不肅、禮成告徹、毋疏毋瀆、樂所自生、中原有菽、

送神德平之章

鳧繹峩々、洙泗洋洋、景行行止、流澤無疆、聿昭祀事、祀事孔明、化我蒸民、育我膠庠、

六、禮樂舞器之購置 新京文廟、禮樂舞器向不完備、此次丁祭、禮節既極隆重、自應廣爲添置、以備應用、本部最初曾向奉天警備司令部借到樂器七種、嗣以所缺仍多、適本年春丁尙有餘款二千元、遂以此款連同追加預算八百七十一元、盡數爲添置禮樂舞器之用、統計購入門鼓一、大鐘一、磨一、搏拊二、敵一、祝一、笙笛簫篴排簫各四、鐃鐘一、特磬一、節二、羽籥干戚三十六、登一、鉦二、爵二十、籩豆各五十、篚十三、奠酒池十三、笏板八、祝版三、黃緞拜墊一、紅呢拜墊六十六、紅氈二十、木階四、立標十二、樂歌舞工禮服冠靴六十四套、以上器品、雖不能稱爲大備、然應有盡有、亦已足用、

七、警備之佈置 此次丁祭、本部先期分函民政部警務司及首都警察廳、請於祭期先一日晚起、至祭日禮成止、徹夜嚴密警備、以免疏虞、嗣又經執政府警衛處、於九月十九日邀集各軍警機關及本部人員、在執政府舉行警備會議、議定分段警備辦法、並於祭期一日分發各關係機關

執政親詣孔廟（卽文廟）次第書一通、內列警備之佈置頗爲周密、茲節錄如左、

甲 警備區域之分任

- 1 執政府 警衛處全體職員、護軍三十名、憲兵十名、日憲兵二名、
- 2 執政府至興運橋 翊衛軍二十名、憲兵十名（至興運路南口）、
- 3 興運路、六馬路、東二道街、至孔廟 翊衛軍一百四十名（興運路至六馬路口）、鐵道守備隊二百名（六馬路至四馬路）、游動隊五十名（四馬路至三馬路）、警察隊二百二十名（三馬路至孔廟）、沿途 憲兵三十名、日本憲兵四十五名、各巷口三十步以內不得有人、
- 4 孔廟之內外 孔廟內（第一線）護軍一排、憲兵八名、日本憲兵十五名、

孔廟左右兩側及後面運動場（第二線）翊衛軍六十名、

外周一帶（第三線）首都警察廳三十名、

乙 配備完了（前四十分）午前五時、

丙 斷絕交通（前十五分）午前五時二十五分、

丁 配備完了五時以前、孔廟附近檢索、

戊 二十七日午後五時、派警衛士一名、護車十名、在孔廟值宿、

己 派警衛士二名、在孔廟前指揮車輛、

又本部爲警備時間來賓及執事官通行便利起見、特製徽章、分發佩帶、以資鑑別、徽章計分兩種、一爲來賓用、布製、圓形、白地紅緣黃心（大者特別來賓用、小者普通來賓用）、一爲執事官用、緞製、鳶尾形、分黃、深紅、淺紅、赭、紫、深藍、淺藍、深綠、淺綠、九色、

第四節 演禮概況

先是、籌備丁祭大典委員會以本屆禮節特別繁重、議決須在期前勤加演習、以求整肅、本部當即擬定演禮三次、第一次九月二十三日、第二次二十五日、第三次二十七日、均於下午一時起舉行、三次演禮、各執事官及樂舞歌工、皆能進退如儀、毫無阻越、而末次演習、扈從、侍禮、分獻、陪祀、各官悉行蒞止、所需禮器亦均陳列、並有執政府大禮官周視指揮、一切儀式、大爲嚴肅、同時本部以此次釋奠典禮、不僅爲我國創舉、且爲近二十年來所未見、亟宜公開、以昭激勸、又以祭日

執政親臨、警蹕森嚴、閒雜人等、不便闌入、故於演禮之日、特准開放、任人參觀、統計三日之中、觀禮者約近千人、觀此盛況、皆色莊而恪、尊孔之念、不期油然而生焉、

第二章 祭 日

第一節 鹵簿扈從

大同二年九月二十八日

執政親臨釋奠於

至聖先師孔子廟庭、是日寅初、各執事官由廟右市立第二小學校正門入、經廟西便門齊集大成門外、卯初二刻十分

執政出宮升車、扈從官隨行、鹵簿車輛共十七號、第一號車、首都警察廳警務科長、第一署長、第二號車警衛長、警務科長、第三號車

御用、侍從武官長管理侍衛官侍坐、日憲兵隨車（首都警察廳小汽車二輛左右護衛）、第四號車、侍從武官二員、第五號車、侍衛官二員、第六號車、前引官、府中令大禮官、第七號車、後扈官、會計審查局商、局長、內廷局陳局長、第八號車、府內日憲兵長、第九號車、警察總監、京師憲兵司令官、第十號車、新京憲兵隊長、第十一號車、警務司長、第十二號車、吉長地區警備司令官、首都警備司令官、第十三號車、護軍統領、第十四號車、隨侍四名、第十五號車、護軍十名、第十六號車、日憲兵分隊長、第十七

號車、首都警察廳小汽車（另有首都警察廳小汽車一輛、前五分鐘出發、專司報告）、將至廟、廟門洞啓、贊引對引官預偕分獻官、陪祀官、序立門外恭迎、卯初三刻五分駕臨、降輿、贊引對引官恭導
執政就輦次稍憩、前引後扈各官引從如儀、

第一節 祭典盛況

行禮之前播門鼓三通、首通、樂歌舞工由大成門側左右便門入、各按位次排立、次通、各執事官由大成門左右門入、分赴殿廡各就本位（以上於 駕臨以前行之）、三通、分引官引分獻官由左右門入、陪祀官隨入、各就位次、東西向立、卯初三刻十分、金鐘三響、大成門中門洞啓、文教部總次長奏請行禮、

執政出次就盥洗訖、贊引對引官恭導

執政入門、司戶闔戶、升階進殿中門北向立、侍禮、監禮、前引、後扈、侍從、侍衛、等官各序立如儀、
卯正、通贊官贊執事官各執其事、贊引官贊就位、

執政就拜位立、分獻官陪祀官均就位北向立、行禮如儀（參閱第一章第三節第二項）、卯末禮成、贊引官恭導
執政仍由大成門中門出、前引、後扈、侍從、侍衛、各官引從如初式、

執政入輦次稍憩、分獻官陪祀官序立廟外、恭送

執政升車、啓駕回宮、鹵簿扈從如初、羣官皆退、

崇聖祠禮典與原定禮節單無甚出人、不贅、

第三節 來賓觀禮盛況

先是、籌備丁祭大典委員會以此次祀孔、警蹕森嚴、一般人民不准闖入、但爲宣揚聖道、提倡尊孔起見、外交團體及軍政機關仍應邀請觀禮、俾資宣傳、是以議決文官自薦任以上、將校自少佐以上、一概邀請列席、本部當卽分發請柬、附以徽章、並指定大成殿階下東南西南兩隅爲特別來賓席、東北西北兩隅爲普通來賓席、統計是日參加觀禮者、特別來賓有日本駐滿海軍部小林司令官、大使館各參事官、滿洲國宇佐美國務顧問、田邊參議、筑紫參議、新京市政公署重處長等、共三十餘人、普通來賓有大同學院學生五十人、國務院情報處新聞寫真班七人、其他七人、共七十餘人、躋躋踰踰、頗極一時之盛云、

第四節 胙肉之分配

祭祀既畢、卽行分胙、此次典禮、共用牛一、重一百二十斤、羊十二、重四百八十斤、豕十二、重一千四百四十斤、計獻呈

執政牛首一、全豕全羊各一、餘者分配如左

執政府豕羊各一、翊衛軍半豕、一羊、執政府警備隊羊一、牛三十斤、首都警察廳豕一、羊半、滿洲國憲兵司令部羊一、豕二十斤、鐵路守備隊羊一、牛四十斤、豕五十斤、日本憲兵隊牛四十斤、羊半、侍禮官二人、每人牛豕羊各十斤、配哲分獻官四人、每人豕腿一、羊十斤、兩廡分獻官四人、每人羊腿一、豕五斤、監禮官二人、每人羊腿一、豕五斤、通贊官一人、豕腿一、贊引官、對引官、傳贊官、每人豕羊各五斤、特簡任陪祀官十二人、各豕六斤、薦任陪祀官二十四人、各豕四斤、執事官七十七人、各豕

四斤、樂舞歌工七十人、各豕三斤、

第五節 紀念講演大會

本部爲宣揚聖教、發揮建國精神起見、特于祭日午後六時、邀請文壇名宿、在東三馬路燕春茶園、舉辦仲秋丁祭紀念講演大會、宣講

先師道德言行、俾資觀感、並映演建國電影、以助餘興、與會民衆、達四千餘人、俱各歡迎鼓舞、頗極一時之盛、開會順序如下

開會詞 趙德健先生、奏國樂 滿洲國樂社、致詞 許文教部次長、講演一、孔子之道爲千古政教之準則 王季烈先生、二、孔子爲何定禮樂 張實先生、三、孔子之一隅述義 關嵩山先生、電影「大滿洲國」「新滿洲國」及其他滑稽片多卷、閉會詞 趙德健先生 各講演稿附刊於後、

第三章 各省祀典

本部因各省仲秋上丁祀孔、宜先期籌備、以昭隆重、曾於八月三十一日規定祀典注意各項、頒發各省區公署一體遵照奉行在案、嗣據熱河、奉天、黑龍江、興安總署、先後呈咨報告祭日奉行祀典情形前來、本部核閱之下、均尙虔誠、足資矜式、茲特節錄原呈、並將部頒祀典注意各項條舉於左、藉覘一斑、

- 一、仲秋上丁祀孔日期爲陽歷九月二十八日、卽陰曆八月初九日、
- 一、本年仲秋上丁祀孔、京內外各地須一律舉行、並宜先事籌畫祭祀應備各項、

一、文廟設禮器樂器以及舞具等件、除省及特別區市必須設置完全外、其各縣可視財力所及陸續備置、

一、文廟內各殿宇宜從速修葺灑掃清潔、

一、丁祭日各市市長暨各教育廳處長、務齊赴文廟行禮、各縣縣長亦如之、

特別區長官

一、丁祭日各學校校長率領學生在校舉行祀孔典禮、並講演

先師及 配哲諸賢儒之道德言行、藉資觀感、

一、丁祭日應開市民大會、演說建國精神、並闡明聖道、使市民明瞭國家尊孔之意義、

第一節 吉林省奉祀情形

吉林省奉到部頒祀孔注意事項、遵卽分行各屬遵照辦理、並委任各廳廳長、市政籌備處處長、省會警察廳長、省城省立各學校校長、暨函請各法院院長、各檢察廳廳長、爲兩序兩廡及崇聖祠分獻官、委任吉林省公署署秘書長書祝、祇割、具陳設省盞、永吉縣長糾儀、訓令在城委任以上文武官員屆期一律與祭、訓令永吉縣公署敬謹籌備省城祀孔一切事宜、訓令省立民衆教育館於祀孔時飭各講演所講演丁祭之意義、訓令吉林市政籌備處、省會警察廳、永吉縣公署、省立民衆教育館、會同籌備招開市民講演大會、張貼宣傳畫標語、散布傳單等件、省城聖廟先期已由縣督同奉祀官洒掃清潔、準備如儀、市民大會亦由處局縣館會同籌備完竣、九月二十八日九時遵照禮儀、敬謹致祭、畢事、是日午後一時及七時、在省立民衆教育館舉行講演大會、演說建國精神及國家尊孔之意義（講演錄附刊於後）、

第一節 熱河省奉祀情形

熱河省垣於前清時代建立文廟、規模宏偉、一切祭品樂器俱極完備、且定有典禮專款、自民國十七年停止奉祀、對於樂器舞器仍行善爲保存、現雖破舊之餘、然尙完備、勉可應用、謹於本年九月二十八日上午丁舉行秋祀、先期遵照注意各項、敬謹籌備、是日早三時、各機關自科長以上齊詣文廟、由代理省長實業廳長恩麟主祭、

大成殿、教育廳長申振先主祭

崇聖祠、省黨、糾儀、分獻、則由各機關主官暨各廳長分任、其他各職員均隨同陪祭、獻以太牢、樂舞八佾、禮節如儀、祭畢、旋於上午十一時舉行市民大會、各校學生以及市民一律參加、當衆講演建國精神暨先師配哲諸賢儒道德言行、闡明聖道、俾資觀感、並張貼標語、散放傳單、一般與會學生民衆、俱各歡欣鼓舞、頗極一時之盛、遂即攝影、以誌盛典而作紀念、

第三節 奉天省奉祀情形

奉天省奉到部頒祀典注意各項、當即轉令各縣遵照辦理、嗣據各縣先後報稱本年秋祭已恪遵奉頒注意各項辦理、至省城方面先期派由教育廳敬謹籌備祀典、清治廟宇、於致祭之前、預先演禮、以期嫻熟、九月二十八日五時上祭、樂舞咸備、行禮如儀、省立各校、均於校內舉行隆重儀式、市民大會由市政公署會同孔學會舉辦、聽講民衆、頗爲踴躍、

第四節 黑龍江省奉祀情形

黑省奉到部頒祀典注意各項、遵即依照指示、從事籌備、並分令各縣各校一體遵行、是日特由省長躬率與祭人員、於午前一時致祭

大成殿、並派教育廳廳長承祭

崇聖祠、分別依序行禮如儀、十一時復在龍沙公園召開市民大會、講演聖教真諦、集合各校學生結隊遊行、並散傳單標語、藉以啓發民衆觀感、

第五節 興安省奉祀情形

該省接到部頒祀典注意各項、遵即分令各分省、轉令各旗縣遵照辦理、旋據西分省呈復、據開魯縣呈報、該縣現無文廟、祭祀典禮無處舉行、但祀孔爲國家大典、似難廢弛、除令各區小學校於本月二十八日切實遵照辦理外、一面由縣公署借第一小學校供設

先師聖像暨配哲牌位、通知各機關暨各法團如期齊集該校、恭行典禮、並講演

先師及配哲諸賢儒之道德言行、舉行市民大會、演說建國精神、闡明聖道、俾市民明瞭國家尊孔之意義、至其他各縣則尙未據呈報云、

附

錄

新京仲秋丁祭紀念講演大會講演錄

孔子之道爲千古政教之準則

王季烈

孔子生於春秋魯襄公之二十二年。距今實二千四百八十三年矣。其道之所以歷久彌光者。由於學說純粹無疵。爲古今中外所莫能尙。歷觀東亞二千年來之歷史。尊崇孔子之道者罔不興。廢棄孔子之道者罔不亂。以故聖君賢相。興教勸學。皆以孔子之道。樹人倫之準則。自歐風東漸。挾其物質上之文明。以傲我東亞。中國淺識之士。震其新異。惟歐西之政教是效。舉數千年固有之道德仁義。棄如弁髦。以釀今日之大亂。天不絕我神州。藉仗義之日本。驅除國民黨。及同惡相濟之弱匪政府。以建立滿洲新國。迎我舊君。重蒞故都。振興禮教。規復舊制。親臨釋奠。將以闡明東亞精神上之文明。俾免神明之胄。淪入禽獸之途。誠我滿洲人民之大幸。亦東亞道德之轉機也。茲將孔子所言政教之大綱縷述之。以告我全滿民衆。並以告之全球民衆。使知孔子之道。宜於古亦宜於今。適於一隅卽適於全球。庶幾人類之爭端可盡泯。世界之和平可實現。禮運所謂大同之盛。非僅託之空言爾。

孔子之論政治。以愛民爲第一義。書曰德惟善政。政在養民。又曰民爲邦本。本固邦寧。論語曰。節用而愛人。使民以時。孟子曰。得乎邱民而爲天子。又曰。得天下有道。得其民斯得天下矣。是孔孟之道。固以人民爲國家之主體。未嘗輕視人民也。今之非聖侮法者。乃謂孔子之學說。爲專制君主之護符。其亦重誣孔子之甚者矣。論語云。人之言曰。予無樂乎爲君。惟其言而莫予違也。如不善而莫之違也。不幾乎一言而喪邦乎。此孔子對定公之言也。然則孔子所以警惕人君者甚至。未嘗稍許人君以縱恣也。孟子云。責

難於君謂之恭。陳善閉邪謂之敬。吾君不能謂之賊。又曰。長君之惡其罪小。逢君之惡其罪大。後世泄沓之臣。或有逢迎君上。以陷人君於惡。而失政殃民者。此正孔孟所深惡痛絕。豈能歸咎於孔孟歟。

孔子之論政術。以誠信爲主。論語曰。敬事而信。又曰。其身正。不令而行。其身不正。雖令不從。又曰。言忠信。行篤敬。雖蠻貊之邦行矣。大學曰。誠於中。形於外。又曰。有諸已而後求諸人。無諸已而後非諸人。中庸曰。誠者物之終始。不誠無物。此誠信二字。爲孔子整躬率物之惟一關鍵。自後代以智詐相尚。條教號令日煩。而政治日墮。故漢儒謂爲政不在多言。惟其力行何如耳。至於今之中國政府。以宣傳爲第一要務。而政治愈惡。小民之疾苦愈甚。識者謂古今最好之言。俱被國民黨人說盡。古今最惡之事。俱被國民黨人做盡。故口標民生主義。而使民不聊生。口稱天下爲公。而三數黨人。專制全國。以廉潔政府。號召天下。而其首腦要人。無不擁有數千萬之厚貲。蓋不誠不信。言行背馳。未有如今日中國政府諸人之甚者。宜其仇視孔子。而欲將數千年所尊崇之至聖推翻之。易以彼黨之黨魁也。然蚩蚩之民。一時雖受其欺。而數年以來。身受切膚之痛。亦漸漸覺悟矣。無如大權已入彼黨之手。生殺予奪。一操之三數黨人。三萬數千萬之民衆。雖欲自求解脫而不能。凡此虐政。固屬黨人所造成。然而人民之喜新厭故。輕棄聖教。亦有以自召之。余故以孔子所言誠信一端。喚醒愚蒙。使彼舜口蹠心者。不得久逞其欺衆殃民之技也。孔子之言典制。惟今王是尚。故雖祖述堯舜。而春秋書元。繫以王正。三代之禮。維周是用。中庸曰。生乎今之世。反古之道。如此者災及其身者也。又曰。雖有其位。苟無其德。不敢作禮樂焉。雖有其德。苟無其位。亦不敢作禮樂焉。中國之亂。二十餘年於茲矣。溯其起源。則新周故宋孔子改制等。附會古義之學說。肇其端。遂使草野之士。人人思有干政之權。而群言龐雜矣。其繼則黨人煽布逆說。而不逞之學生。

無行之文人。群起和之。於是附會湯武。而革命之說興。附會堯舜。而共和之局成。殊不知湯武革命。爲有桀紂之一暴也。而湯猶曰。予有慙德。伯夷之於周武。猶曰以暴易暴。矧我大清御宇二百數十年。深仁厚澤。淪肌浹髓。從無失德之君。而革命黨徒。大都出身流氓土匪。以暴易仁。比之湯武之於桀紂。適得其反。至於君位世及之制。自夏禹至今。行之將四千年。書曰。惟天生民有欲。無主乃亂。爲古今中外所不能易。故自共和之制定。而中國乃無時不亂矣。誠能遵孔子之言。明率上之義。典制不輕改。國體不輕易。則安有今日淪胥之禍歟。往者不諫。來者可追。我滿洲國成立。年餘於茲。誠能鑒已往之失。由三千萬民衆。請今上早就尊位。則日滿兩國。國體同。政治同。利害同。非惟王道政治。得以推行盡利。而日滿親善之關係。當益加密。東亞之和平。庶幾永奠矣。

孔子之論任官。以尊賢爲主。人民非有階級之分。然勞心者治人。勞力者治於人。彼此固不容越分。非輕視勞力者也。不如此。則上下相爭而亂端起矣。論語云。不在其位。不謀其政。又曰。君子思不出其位。蓋天下之民。人人能循分做事。則天下治矣。今日中國之大亂。正由處士橫議。人思越分干預政治而起。孟子所謂舍其田而芸人之田。始今人之通病也。然而在上位者。孔孟卻責備尤嚴。書曰。一夫不獲。時予之辜。孟子曰。思天下之人。匹夫匹婦。有不與被堯舜之澤者。若已推而納之溝中。今中國之亂黨。當其無位時。則攻擊政府之失政。不遺餘力。以博人民之援助。一旦竊得政權。則謂人民程度太低。不足以參預政事。藉訓政之名。荒淫無度。橫征暴斂。使人民脂枯髓竭。強壯者。鋌而走險。人共產黨。老弱者束手待斃。溯厥由來。豈非人民惑於邪說。孔子之道不明所致歟。此我滿洲國上下。所宜大戒也。孔子之於民情。務求其得以上達。而非庶政取決於輿論。論語曰。天下有道。則庶人不議。孟子曰。聖王

不作。諸侯放恣。處士橫議。蓋輿論之囂張。實爲政治之大害。今日東西各國之代議政體。其流弊已無可諱言。孔子實先鑒及此。然孔孟於真正之民情。固求其上達無遺也。詩曰。先民有言。詢於芻蕘。中庸曰。舜好問而好察邇言。書曰。明四目。達四聰。蓋唐虞三代之世。君民不隔。上下相通。民情固易於上達。然猶有輜軒之采風。木鐸之徇路。以通民隱。於民之所好者亦好之。民之所惡者亦惡之。故政不拂乎民意。而民亦不敢輕議人主。其有姦黠之徒。辯言亂政者。則必予以兩觀之誅。書曰。罔違道以干百姓之譽。罔拂百姓以從己之欲。孔子之於民情及輿論。如是焉而已。

孔子之於異域。以懷柔爲主。卽有甯夏之邦。逆命之徒。亦惟脩文德以綏輯之。據正義以折服之。決不肯輕啓戰爭。故於衛靈公之問陣。答以軍旅之事未之學。子路之問行三軍告以必也。臨事而懼。若爲開疆闢土。窮兵黷武。實孔子所深惡痛絕也。孟子曰。我能爲君約與國戰必克。今之所謂良臣。古之所謂民賊也。又曰。征者。上伐下也。敵國。不相征也。春秋無義戰。彼善於此。則有之矣。孟子之以戰爭爲非。皆本諸孔子之意也。今之列強各國。增脩戰備。月異而歲不同。傾人民之財力。以用之於軍費。一旦戰端猝發。更犧牲無數之民命。幸而獲勝。不惟敵國之死者何罪。卽己國之元氣。亦已大傷。何況乎敗。往日歐洲大戰。前車可鑒也。苟能遵孔孟之道。國際之間。講信修睦。折衝尊俎。爾無我詐。我無爾虞。則戰端無自而開。世界之和平可永保矣。

孔子之言倫理。以孝悌忠信爲主。孝以事父。悌以事長。忠以事君。信以事友。中國近二十年。君臣之道廢。卽忠之義亡。在上者甲仆乙起。在下者朝秦暮楚。變亂相尋。實基於此。至近日。則家族制度。漸爲黨政所摧殘。孝悌之道。亦日薄一日矣。殊不知積人成家。積家成鄉。積鄉成國。以數人共處之家庭。

不能相安無事。而必人人獨立。則數千數萬人之鄉。其能相安無事乎。數千萬數萬萬人之國。其能相安無事乎。故家族制度之破壞。實爲導民以亂機。論語曰。其爲人也孝悌。而好犯上者鮮矣。不好犯上而好作亂者。未之有也。今之詆毀家族制度者。盍思之。顧或者謂。準古之家族制度。則父兄易凌虐其卑幼。子弟易生依賴之心。不自振作。殊不知古之人。與子言孝。與父言慈。與弟言悌。與兄言友。與臣言忠。與君言敬。上下交盡其道。又何專制之有。古者農之子恒爲農。工之子恒爲工。商之子恒爲商。世守其業。卽由家長負教育子弟之責。實比今之凡百技能。必由政府設學校以教之者。費省而業易就。謂昔之子弟。有依賴父兄之心。則今之子弟。實有依賴國家之心。依賴國家。而國家不能養欲給求。此今之青年。所以失業者衆。而羣起爲亂。以反抗國家也。

孔子論爲學之方。曰述而不作。信而好古。又曰。古之學者爲己。今之學者爲人。又曰。敏而好學。不恥下問。又曰。不患人之不知。患不知人也。蓋其求學之要道。在乎修身立行。初非以之干求利祿。亦非以之博取聲聞。降及後世。則讀古人之書者。不爲脩養。而爲干時之具矣。降至今日。則讀古人之書者。意在尋癥索瑕。攻擊古人。以自炫其能矣。夫至於讀聖賢書。而思操矛以向聖賢。此人心所以日壞。世道所以日衰也。誠能以孔子爲法。則有躬行實踐之眞儒。無離經畔道之謬論。庶幾經正民興。邪慝不作矣。孔子之論處境。以節儉安貧爲主。論語曰。飯蔬食飲水。曲肱而枕之。樂亦在其中矣。不義而富且貴。於我如浮雲。又曰。賢哉回也。一簞食。一瓢飲。在陋巷。人不堪其憂。回不改其樂。又曰。禮與其奢也寧儉。喪與其易也寧戚。蓋人惟能節儉。而後可以安貧。可以樂道。驕奢淫佚之人。無不寡廉鮮耻。以求不義之富貴。至於近年以來。世界之物質文明愈進步。則奢侈之風愈甚。而人民之欲望亦愈奢。鉅商壟

斷利源。豪強兼併土地。遂使貧富之階級。相差愈甚。富者貪多務得。不恤貧民。貧者不甘壓迫。以思反抗。共產之禍。因此而起矣。誠能體孔子之意。澹泊明志。寡欲清心。則彼共產之學說。不攻自破。安在其能擾亂世界歟。竊願今之資本家。味孔子之言。存仁義之心。勿以奢侈相誇尙。勿以壟斷爲得計。庶幾散財以得衆。實卽和衆以豐財也。

孔子之於風俗。以仁讓爲教。大學曰。一家仁。一國興仁。一家讓。一國興讓。一人貪戾。一國作亂。其機如此。所謂仁者。以愛人之心。祛利己之心。所謂讓者。以知足之心。泯爭奪之心。此我東方文明。所以安社會美風俗之要旨也。歐西之物質文明。確勝於東亞。而其精神。則尙未脫野蠻之積習。知有利而不知有仁。知有爭而不知有讓。以金錢萬能之故。造成社會上種種之罪惡。以擴張權勢之故。犧牲國際間無數之民命。以不仁故不讓。以不讓故不仁。二者交互爲因。無所底止。推尋其源。則物質文明之進步。實有以致之。自古商賈易於致富。農工艱於獲利。而人生日用所需。非農不能生之。非工不能成之。故商人雖智。不能盡奪農工之生計。農工雖愚。總可自食其力。自機械之製造。日益發達。而一具之機械。可以奪農工數十數百人之生計。此今之歐美。所以失業之民日多。國家無法救濟。生產之量過剩。造成世界不況之景象也。自古尋匹夫之讐。修睚眦之怨。徒手相搏。白刃相向止已。卽爭地以戰。殺人盈野。亦不過戈矛之利。弧矢之威耳。今則科學進步。殺人利器。日益增多。軍艦槍炮之不足。而有飛機爆彈毒瓦斯矣。且昔之國際戰爭。僅限於一隅者。今則列強各國。知一國之財力製造力有限。不可以持久。乃於開戰以前。各施其縱橫聯闔之手腕。以聯成大戰團。禍機一發。非全球皆闢爲戰場不可。其慘酷實非意想所能及也。凡此物質文明進步。之大害。彼歐美人之明達者。殆亦知之。然知之而無術以救之。是由未聞孔子之道耳。

誠以仁讓二字化天下。其收效當勝於世界經濟會議。軍縮會議者萬倍。一切未來之恐怖。胥可免矣。顧或者謂生存競爭。優勝劣敗。爲生物進化之公例。今乃教民以仁讓。此實中國積弱之原因。百年以來。中國之屢受外侮。實由於此。安在其能現世界和平歟。答之曰。國家之存在。若專賴兵力之強盛。則嬴秦何以二世而亡。拿破崙何以卒見流於荒島。且卽就生物進化而論。地質學之中生代時。其爬蟲類中之翼手龍。恐龍。魚龍等。跋扈於海陸空中。其凶猛情形。不亞於今之飛機唐克車潛航艇。宜在優勝之列矣。乃斯等爬蟲類。不久悉歸滅絕。其起而代之者。爲蕃衍至今之高等脊椎動物。然則所謂優劣者。果在體力歟。物質歟。抑體力與物質之外。另有精神上之優劣歟。我謂孔子所教人之仁讓二字。卽精神上優勝之端也。此篇所舉孔子之道數端。僅就切於今日政教者言之。孔子德配天地。道冠古今。爲人倫之紀綱。定百王之準則。其道非一夕之談所能盡。經籍具在。有志聖賢之學者。潛心探討。以貢獻於世界。此我滿洲國人之責任也。

孔子爲何定禮樂

張

實

人生有欲。欲則求。求則爭。爭則亂。亂則窮。先王惡其亂也。故制禮義以節之。夫禮先王。以承天之道。以理人之情。失之者死。得之者生。

夫禮者。所以定親疎。決嫌疑。別同異。明是非。道德仁義。非禮不成。教訓正俗。非禮不備。分爭辨訟。非禮不決。君臣上下。父子兄弟。非禮不定。官學事師。非禮不親。班朝治軍蒞官行軍。非禮威嚴不行。禱祠祭祀供給鬼神。非禮不誠不莊。

顏回問仁。子曰克己復禮爲仁。一日克己復禮。天下歸仁焉。爲仁由己而由人乎哉。顏回曰。請問其目。

子曰非禮勿視。非禮勿聽。非禮勿言。非禮勿動。顏回曰。回雖不敏請事斯語矣。

道之以政齊之以刑。民免而無恥。道之以德齊之以禮。有恥且格。

鸚鵡能言不離飛禽。猩猩能言。不離走獸。今人而無禮能言。亦禽獸之心乎。

樂至則無怨。禮至則不爭。揖讓而治天下者。禮樂之謂也。

右爲張君演詞大綱，張君因公忙，不及編撰演稿，故編此大綱以爲講演時逐段發揮之用，其文氣自與演詞有別，讀者希注意焉，記者註

孔道之一隅述義

關 嵩 山

今日恭逢祀孔之辰。已告成隆重典禮。至誠感格。聖神如在。並且舉國完成盛典。洵可謂道一風同。人天共樂。鄙人素叨聖化。尤感覺無上光榮。惟承命宏道。深愧不能勝任。重以文教部執事諸君子。一再督責。不得不勉承其乏。茲謹就習聞諸師友者。略述之以貢獻於在座諸君子。但自維未能躬行。毫無心得。既道聽而塗說。自難免有許多謬誤。深望在座諸君子。破格諒解。並加以充分糾正。鄙人幸甚感甚。竊按至聖先師孔子之道猶通明大路然。人人可行。事事可法。造其極。實足以範圍天地。曲成萬物。所謂致廣大而盡精微。極高明而道中庸。蓋卽堯舜禹湯文武周公孔孟歷聖相傳之一貫中道也。其綱目具載大學。其要旨在內修心性。外踐倫常。此外各經書。文雖有殊。理實無二。但內聖外王之全體大用。以及用功程序。則以大學爲最詳明。如明明德一節。是先天成身之道爲本。知止一節是後天了身之法爲末。物有本末。至則近道矣一節。則先後天一以貫之。統而爲盡人合天之眞道學。亦卽窮理盡性至命之實功夫。至於古之欲明明德於天下。至此謂知之至也一段。則詳示聖功王道之準則及遞進程序。而自天子以至於庶人。壹是皆以修身爲本兩句。尤爲內聖外王之中樞。蓋果眞修身。必已具有格致誠正之大本爲體。換言之。既眞修身亦

必具有修齊治平之達道爲用。所以至聖特標示人道。以修身爲本也。然此特就修其身成大道者而言。非致中致和具備智仁勇之大德聖人。不足以語此。且不特此也。卽窮理盡性至命之初功。非遇明師不得薪傳。非至誠盡弟道。不能倖得。大道之尊貴。固有如此者。况眞儒之道。自孟子後。幾失傳人。漢儒重考據。宋儒講理學。降至近世。多偏重虛文。不務實際。所謂拾礫遺珠。離聖道益遠。是故欲實行內聖外王之道。既須崇經尊孔。更必要訪求高明有德之當世賢哲。特立師道。以端教本。再由在位者。以身倡行之。則其功立致。蓋合君相師儒爲一體。自有如是成效。所謂師道立而善人多。一正君而國定者。亦卽此義也。惟茲事體大。可不具論。且就聖教修身一端淺述之。亦足以見大道至平至常。實至神至妙也。夫修身之顯義。不難使人盡知。當世不乏明達。能躬行實踐者。亦自大有其人。但試考一般人。則不得其門而入者尙居多數。蓋誤認修身爲文章者。徒究其理而不躬行。味其眞義者。行或偶合。而不能精進。斯皆不得其正。故皆不能深造實學。所謂文過質不及。其偏一也。甚有誤解禪學。有乖人道。謬習丹術。無補實德。則尤爲大病。其實無論何人。果能隨時以天賦之眞良心作主宰。立定存好心。說好話。作好事之大志向。每一念。一言。一行。皆先以良心衡之。但要知何爲良心。卽仁心也。道心也。公平心也。亦卽天命之本性也。更要知如何衡法。卽於動念。欲言將行之先。切思益已否。既益已矣。益人否。既益人矣。益國家天下否均有益矣。再思一時可行。萬世有無流弊。一地可行。萬方是否可推。如此靜存動察。善則擴充。惡則克治。有過卽改。有益必行。始而勉強。繼而自然。積久身心合一。言行合一。日新不已。則義精仁熟。近中和矣。果是者。方足以稱修身。卽不言格致誠正修齊治平。而實際之聖德王道自在其中。故云下學上達人皆可以爲堯舜。而我夫子所以特示人以修身爲本者。尤其見大聖人之悲天憫人救世苦心也。現值國家施行

王道。已端治本。我同胞幸居此土。自當服習聖化。以期造就成已成人之真學問。鄙人雖不敏。竊願追隨舉國賢達。與在座諸君子之後。時習先聖之道。勉力躬行。更願推及全國同胞。一體躬行。進而普及於全世界。則大同指日實現。庶不負我國家今日舉行祀孔盛典之真意義也。惟鄙人記聞之學。不免言多失義。大罪大罪。

吉林仲秋丁祭紀念講演大會講演錄

孔教與滿洲國關係

費 文 煥

今天是秋季上丁祀孔的日子。得有機會和諸君聚會一堂。參加祀孔典禮。說幾句話。是很覺榮幸的。今天所要說的大概意思。是要發揚咱們建國的精神。和聖道的真諦。希望一般民衆。對於這建國精神。和聖道真諦。有深刻的認識。而努力擁護新國。尊崇孔教。以挽救世風之頹靡。使我滿洲國日臻至善境裏。這就是我國尊孔的意義。適因今日舉行祀孔典禮。願將孔教與滿洲國之關係。向諸君提說提說。以喚起諸君注意今晨之盛典。

我們滿洲國實行王道主義。一切政策。皆以王道爲依歸。此實探本窮源的方法。所謂王道者。卽堯舜禹湯文武周公治國之道。而孔子集羣聖之大成。祖述堯舜。憲章文武。道範百王。師表萬世。先孔子而聖者。非孔子無以傳。後孔子而聖者。非孔子無以法。其倡明王道。闡發修齊治平之道。已成爲天經地義。亘萬

古而不朽。因爲世衰道微。人心陷溺。皆以王道爲迂濶而不肯爲。所以國家不能長治久安。而天下愈亂。我滿洲國建國。遠見及此。所以建國伊始。於 執政就職宣言中。已發表以王道治國。實行大同主義。所以孔子之教實於我國有密切之關係焉。

況且我們在從前軍閥時代。飽受其敲骨吸髓。極端榨取。種種虐政。民不聊生。孔子說苛政猛於虎。我們實身受之。方知此言之痛切呀。幸而軍閥打倒。惡魔已去。建設新國。萬衆一意。尊奉孔子之教。實行王道政治。發政施仁。救濟沉溺。真是久旱逢甘霖。嬰兒遇慈母。解人民於倒懸。救人民於水火。有不箠食壺漿以迎王師者乎。所以救此憔悴於虐政的人民。非實行王道不能成功。今施行王道。舍尊崇孔教。其道末由。於此更知孔教與我國關係的重要了。願與諸君申述之。

孔子之道浩如烟海。難總括的意思去說。而孔子教人的宗旨。不外推己及人。由親及疏。自近及遠三者。如己欲立而立人。己欲達而達人。答子路曰。修己以安百姓。答顏子曰。一日克己復禮。天下歸仁焉。此推己以及人也。如上老老而民興孝。上長長而民興弟。上恤孤而民不倍。親親而仁民。仁民而愛物。此由親而及疏也。如一家仁。一國興仁。一家讓。一國興讓。此自近以及遠也。而大學明德親民止至善三綱領。而中庸治天下之九經。實爲孔門有體有用之學。其言極爲平庸。其效至爲廣大。故孔子治魯三月。夜不閉戶。路不拾遺。此其明效大驗也。

今我新國家既行王道。又崇孔教。對內以寬大爲懷。不矜苛求。故得三千萬民衆之擁戴。對外以禮讓爲先。不事爭競。故得東鄰友邦首先之承認。從此直前邁進。大同之郅治。必日臻於隆盛也。

滿洲國振興孔教的原因

孔子是我們東亞的聖人。在我國裏若提起孔子這兩個字。可以說是婦孺皆知的。不但皆知。而且都很敬仰的。但是近二三十年來。有一般人受了歐美文化的薰陶。於是便喜新厭舊。把孔子的道理。幾幾乎刪除殆盡。所以後學對於孔子無從認識。對於聖道而少研究。但是聖道如日月的光明。雖然霎時被烏雲矇照。究不能減少日月的光輝。今我滿洲國之尊孔。實是撥雲見日。而復興聖道了。並且我們滿洲國。以王道爲立國的精神。實行大同主義。所以孔教實與我國有密切的關係了。茲將我國振興孔教的原因和諸君詳細講述之。

一。孔教是大同之道。孔子一生是以身作則。以倫常道德爲根本的一個實行家。所以他抱有悲天憫人之志。民胞物與之懷。來領導世人走向王道的途徑。所以孔子當時看列國互相爭強較勝。紛亂不已。人民流離失所。老弱轉乎溝壑。種種慘狀。目不忍睹。於是孔子嘆周道之衰。乃起而提倡以王道治國。對內則注重仁義道德。爲人民謀幸福。對外則重禮讓。尙信義。以敦睦邦交。由是家齊國治。而天下平。天下平。即是世界大同了。故孔子說「大道之行。天下爲公」。又說「是爲大同。有志未逮」等話。你想天下人若皆能遵行孔教。那麼人與人之間。國與國之間。還能有任何紛爭麼。所以孔教就是大同之道。我國本此道來建國。以造東亞的樂園。開世界王道的先聲。

二。以孔教爲立國之本。我滿洲國見近代世界的紊亂。各國均以狹義的愛國主義去指導國民。使人民祇知愛自己的國家。不知愛他人的國家。於是屢次引起國際戰爭。人民的死亡。經濟的損失。不堪言狀。結果兩方俱傷。如歐洲大戰卽其一例。此種戰禍愈演愈烈。將來世界永無安息的日子也未可知。所以我國爲欲避免此種情形起見。以王道爲立國的精神。實行大同主義。而知當今之世。王道爲撥亂反正之良法。孔

教尤爲起死回生的良藥。若想消滅世界戰爭。趨於樂土之上。必先去掉歐美列強的狹義愛國思想。而以全人類爲目標。無種族之見。無國際之分。庶幾免於國際的糾紛。人類的滅亡。所以說處在現代世界中。欲想建一悠久光明的國家。非孔道的大同主義不能立國。

三。振興孔教可以矯正人心。大凡一國的衰弱。社會的不安。其亂端雖多。但究其最大的原因。無非是道德淪落。人心不古的弊病。以致互相爲惡。險詐百出。知有己而不知有人。知自私而不知公德。於是其惡日長。其善日泯。言行無所畏懼。是非無所擇辨。甚至鋌而走險。相率爲盜。久而久之。均習以爲風。不以為恥。以此社會日趨於不寧。生活亦日就恐慌。國家亦隨之衰亡。故我滿洲建國以來。有鑒於此種惡習的危險。以爲根本圖治。必須先要改善人心。因而極力倡明孔教。尊重仁義道德。使人民知有所從。心有所惕。使個人道德日漸向上。上下相安。共建樂土。於是建國才一載有餘。國家前途。竟有這樣的發展。也可以說用孔教矯正人心的關係呢。

總之。孔道的原理。精微奧妙。非片言可以形容的。大之可用於世界國家。小之可施於家庭個人。所以。孔子的微言。教義。道德。學說。我們如果能够遵行。祇有增加我們的幸福。斷無若何弊害的。況且是我們滿洲國內居民。種族衆多。風俗。言語。文字。習慣各有不同的地方。教化上若不本孔教道德爲標準時。則彼此間的感情。不能融洽。所以孔道是我們達到人類真正和平幸福途徑的光明大道。我滿洲國振興孔教也。就是爲此。

